

8.

Peur e skoio ar maro
Den n'hell en lavaret,
Peur he falc'h hon diskaro..
Allas ! n'her gouzomp ket :
Marteze a benn eur bloas,
Marteze 'benn eur mis,
Marteze araok varc'hoas
Pe araok fin a deis.

9.

Enn eur gimmiada, Guerc'hez,
Ni ra c'hoas eur goulenn,
Berr eo amzer ar vuez
Ha var nij e tremen ;
Pa zeui Doue d'hor gervel
Leac'h hor bo da grena...
Hor sicourit, Mam zantel
Var hon heur diveza.

PERMIS D'IMPRIMER :

Quimper, le 13 Septembre 1872.

JÉGOU,
Vicaire général.

Kemper, Moullez ru an Dudchentil.

8N4-3-059

CANTIK PELERINET TREMENOU


Ton : *Santez Mari, pe Ton Kelven.*

DISKAN :

*Itron Chapel Tremenu,
Esperans ar c'hlanvour,
Plijet ganeoc'h hor chelaou
Ha donet d'hor sikour ;
Klanv eo ha klanv da vervel
Hor bro muia karet...
Roit dizhi, Guerc'hez santel,
Buez, nerz ha iec'hed.*

1.

O kaera rouantelez
Goude ar barados...,
Pelec'h eo eat da zanvez,
Da c'halloud, da vrud koz ?
Penos da enebourien
O deus bet ar gounid,
Ha stlapet da gurunen
Er pri dindan ho zreid ?



2.

Allas ! ni hor boa torret
Lezen ho mab divin :
Ni pa vezemp gourdrouzet,
Ne reamp nemet c'hoarzin ;
Eleac'h dont da zizamma
Eur bec'h dija pouanner,
Edomp bemdez o skuiza
Madelez hor Salver.

3.

Ia ! evel eur reverzi
A zav, a zav atao,
Ann ourgouil, ar vesventi
O doa beuzet hor bro ;
Ar zul veze profanet
Eb aoun ebet na mez
Gant labourou milliget
E kear ha var ar mez.

4.

Fall eo mont eneb Doue
Ha goapaat he lezen,
Risklus eo dastum arne
Ha tan a ziouc'h ar penn :
Rag ar gurun a darzo
A greis ar c'houmoul du
Ha var he lerc'h ne jomo
Netra nemet ludu.

5.

Savet eo deis ar goler,
Sounet heur ar justis,
Enebourien eb niver
En em daol var ho feiz :
Kre int evel leounet
Ha kriz evel bleizi,
Evel chass int kounnaret...
Bro-c'hall zo great ganthi.

6.

Nann, nann, Guerc'hes Tremenou
Ar Frans ne varvo ket,
Lenvo reomp d'hor pec'hejou
Ni vezo pardounet :
Ennoc'h ema hor fizians,
Mam dous ha leun a c'hras,
Dreizoc'h e savo Bro Frans
Ken nerzus ha biskoas.

7.

Araok kimmiada, Guerc'hez,
Ni ra c'hoaz eur goulenn ;
Berr eo amzer ar vuez
Ha var nij e tremen ;
Pa zeui Doue d'hor gervel
Leac'h hor bo da grena...
Hor sicourit, Mam zantel,
Var hon heur diveza.